



Si ou gen yon moun kap travay lakay ou, tankou yon moun kap fè menaj, yon kwizinyè, yon jadinye, oswa yon moun kap gade timoun, ni ou menm ni moun ou bay djòb la dwe konnen poul peye taks sekirite sosyal ak Medicare.

Moun kap travay lakay ou a, gen dwa kalifye pou resevwa sekirite sosyal ak Medicare yon jou. Si ou dedwi sekirite sosyal ak taks sou Medicare la sou kòb ou peye li, voye kòb sila bay Sèvis Revni Entèn [Internal Revenue Services (IRS)], pou kapab peye taks sila yo, ak yon rapò sou salè ke wap bay Administrasyon sekirite sosyal la.

Lè ou rapòt salè sa yo epi ou peye taks sa yo, moun kap travay la ap benefisyé de kredi sekirite sosyal ak asirans Medicare. Nan benefis sila yo ou jwenn, kòb pansyon (depi ou genyen 62 lane) ak benefis enfimite pou moun kap travay la ak pou moun kap viv sou kont li. Lè travayè a mouri, pitit li, ak moun ki te depann de li kapab jwenn sivivan benefis.

Ki salè ki pou rapòt?

Si wap peye yon moun kap travay nan kay \$1,400 dola ameriken ou plis pase sa nan lane 2005, ou dwe dedwi taks sekirite sosyal la ak Medicare la ,epi ou dwe rapòt salè sila a chak lane. Wap rapòt tou nenpòt ki kòb ke w te itilize pou peye transpò, manje oswa lojman pou moun kap travay pou ou a. Si ou pa rapòt salè sila yo a lè, wap oblige peye yon penalite en plis de kòb taks ke ou pat peye yo.

Èske tout moun ki ap travay nan kay la Asire?

Lè w peye yon moun kap travay nan kay \$1,400 dola ameriken cash oswa plis pase sa nan yon lane, sekirite sosyal la ap kouvri salè sila yo. Men gen de règ espesyal ki aplike nan sitiyasyon kap swiv yo.

Si ou ap dirije yon lotèl, yon batiman ki gen chanm pou lwe oswa yon pansyona, ou dwe rapòtetout sale anplwaye w yo, menm si yo touche mwens pase \$1,400 dola ameriken nan yon lane.

Ou pa oblige peye taks sou sekirite sosyal pou moun kap travay nan kay (egzanp moun kap gade timoun) ki genyen mwens pase 18 lane, sòf si se sèlman travay sa li genyen.

Si wap anplwaye pitit pa ou pou fè travay nan kay epi pitit la gen 21 lane oswa plis ou oblige peye taks

sekirite sosyal sou salè li. Travay nan kay ke yon manm nan fanmi ou fè gen dwa nesesite, nan sèten sitiyasyon, ke ou peye taks sila yo.

Rele nenpòt biwo sekirite sosyal pou plis enfòmasyon

Kijan pou rapòt salè yo

Rele IRS pou di ou kijan pou rapòt enfòmasyon yo ak fòm ou sipoze ranpli yo. Anplwaye sèvis sila a ap di ou kijan pou konplete fòm yo ak ki kote epi ki lè pou ranpli yo. Men gen kèk enfòmasyon ke ou sipoze konnen.

Kenbe dosye—Pou sèvis sosyal wap bezwen non, adrè, ak nimewo sekirite sosyal tout moun kap travay lakay ou, ak kantite kòb yo touche. Wap ekri nimewo sekirite sosyal ki sou kat sosyal chak moun. Si youn nan anplwaye ou yo pa gen yon kat sosyal, lap aplike pou youn nan nenpòt biwo sekirite sosyal.

Dediksyon taks pou Sekirite Sosyal ak Medicare

Tó taks sou sekirite sosyal nan lane 2005, pou anplwaye ak moun ki ba yo travay la se 6.2 pou san sou salè ki pi piti jouk sou salè ki wo rive \$90,000 dola ameriken. Tó taks Medicare a se 1.45 pou san sou tout salè.

Ekri rapòt pa ou—Sèvi ak fòm taks federal sou revni (IRS form 1040) pou bay rapòt sou plis pase \$1,400 dola ameriken ke ou peye yon moun kap travay lakay ou. Kòm anplwayè yon moun, ou sipoze peye yon montan sou sekirite sosyal ak taks sou Medicare, ansanm ak taks ke ou pran sou salè anplwaye a lè ou voye dosye ou.

Soumett yon W-2 lè lane a fini—Ou oblige bay anplwaye kap travay lakay ou kopi B, C, ak 2 nan fòm W-2 IRS (*Wage and Tax Statement—Etadkont Salè ak Taks*) anvan 31 janvye apre lane ou peye salè a. Voye kopi A bay Administrasyon Sekirite Sosyal jiska denye jou mwa Fevriye a. Wap jwenn fòm sa a ak ki jan pou konplete li lè ou rele yon biwo IRS.

Kijan pou moun kap travay nan kay jwenn kredi sou sekirite sosyal

Sistèm kredi pou moun kap travay nan kay la diferan de lòt jan yo konte kredi sou lòt travay. An jeneral yon moun kap travay gen yon kredi sou chak \$920 dola ameriken de kòb ki sou rapòt sou salè li touche (nan lane 2005), jouk li rive yon maksimòm de 4 kredi pou ane a. Men yon moun kap travay nan kay

(lòt bò a)

Moun kap travay nan kay

ap touche kredi sekirite sosyal pou sèlman kòb ki pap depase plis pase \$1,400 dola ameriken de kèlkeswa anplwaye a.

Pa egzamp, yon anplwaye kap travay nan kay pou 3 patwon differan, epi, chak nan anplwaye sila yo peye li: \$700, \$800, ak \$1,400 dola ameriken (sa ap fè li yon total 2,900 dola ameriken) ap resevwa sèlman yon kredi kap vo \$1,400 dola ameriken “sou sekirite sosyal li.

Kantite kredi anplwaye (ak moun kap travay nan kay) bezwen pou kalifye pou sekirite sosyal depann de laj yo ak ki kalite benefis yo gen dwa kalifye pou yo resevwa.

Gen de moun ki bezwen 10 zan (ki egal a 40 kredi) travay pou kalifye pou benefis. Moun ki jenn bezwen mwens kredi pou yo kalifye pou benefis ke yo bay moun ki enfim osnon pou manm nan fanmi yo ki kalifye pou resevwa benefis lè yo mouri.

Sonje si ou pa rapòte salè anplwaye ou a, li ka pa genyen ase kredi pou li resevwa benefis sou sekirite sosyal la osnon kantite benefis la ka vinn mwens.

Kontakte Sekirite Sosyal

Pou plis enfòmasyon ak pou jwenn kopi publikasyon nou yo, vizite wèbsayt nou nan www.socialsecurity.gov oswa rele nan nimewo telefòn gratis **1-800-772-1213** (pou malantandan oswa pou moun ki tande di, rele nan nimewo TTY nou, **1-800-325-0778**). Nou ka réponn késyon espesifik epi ba ou enfòmasyon nan sèvis telefòn otomatik 24 èdtan pa jou.

Si w bezwen yon entèprèt pou regle afè sekirite sosyal ou, n ap fè w jwenn youn gratis. Sèvis entèprèt yo disponib ni pou lè w ap pale avèk nou nan telefòn ni pou lè w vini nan biwo Sekirite Sosyal. Rele nan nimewo telefòn gratis nou **1-800-772-1213**. Si w pale yon lang ki pa Angle, peze 1 epi rete sou liy lan pou jouk lè yon reprezantan reponn. N ap kontakte yon entèprèt pou ede w. Si afè w la pa ka regle nèt nan telefòn, n ap pran yon randevou pou ou nan yon biwo lokal Sekirite Sosyal epi n ap aranje nou pou yon entèprèt (lang) la nan moman vizit ou a.

Yon reprezantan Sekirite Sosyal ka di ou ki benefis ki ka peye épí li ka pran yon randevou, si sa nesesè, pou ranpli yon fòm réklamasyon. Nou trete tout apèl yo avèk konfidansyalite. Nou Vle asire tou ou résévrwa sèvis egzat ak koutwa. Sepou rézon sa a nou genyen yon dezyèm reprezantan Sekirite Sosyal pou kontwole kèk apèl telefonik.

